



REPÚBLICA DEMOCRÁTICA DE TIMOR-LESTE
MINISTÉRIO DAS FINANÇAS

Konferensia Imprensa

Dili, loron 25, Fulan-Fevreiru, tinan 2008

Timor-Leste ninia Sistema Taxa Foun Ne'ebé Tún liuhotu iha Mundu

Governu Gusmaõ nian aprova tiha planu sira atu reforma sistema taxa Timor-Leste nian, nu'udar taxa ida-ne'ebé ki'ik liuhotu iha mundu. Reforma taxa sai tiha ona sentru ba Governu ninia planu dezenvolvimentu nasionál ba tinan 2008 no hein hela atu pasa iha Parlamentu ho apoiu hafoin debate iha fulan ikus ne'e.

Reforma sira Ministra Finansa nian Emilia Pires mak lidera, ho objetivu atu estimula ekonomia fasilita ekonomia doméstika no investimentu estranjeiru nian, enkoraja no hamoris setór privadu no hakmaan todan rendimentu ne'ebé menus ba rendimentu salariu sira.

Proposta reforma esensial sira atu hases hotu tiha impedimentu sira atu hala'o negosiu ne'ebé regula ho sistema taxa liuhosi hametin prosesu sira no haloos regulamentu sira iha konsolidasaun lei nia laran.

Taxa direta sei kombina ho rendimentu taxa salariu no rendimentu taxa la'os rendimentu taxa salariu hosi rua-ne'e hotu residente no la'os residente ho porsentu 10 enkuantu hasa'e ezempsaun fulafulan ho inisiu dolar 500 kada sidadaun ida.

Obrigasaun importa no taxa fa'an nian sei hatún to'o porsentu 2.5 no taxa servisu nian hatún to'o porsentu 5. Halakon taxa sei ba de'it sasán sira ho implikasaun sira ba saúde no meiu-ambiente.

Rejime taxa sei iha impaktu signifikante ba ekonomia hotu-hotu iha tempu imediatu nian, ho estimasaun ida redusaun porsentu 4 iha nivel folin nian ne'ebé konsumidór mediu sira hasoru no iha tempu atu hein katak konsumidór hotu-hotu sei hetan benefisiu hosi salariu ne'ebé aas liu, hasa'e atividade empregu no mobiliza ekonomia ne'ebé pruntu ho atividade negosiu nian.

Pires, hateten, "liu tiha tinan lima ita-nia ekonomia sai imobiliza tiha ona no estagnasaun. Governu AMP iha tiha ona kompromisu atu halo tinan 2008 hanesan tinan ba reforma no fuan hosi reforma ne'e maka harii sistema taxa ida ne'ebé mak simples no efetivu ne'ebé negosiante no konsumidór sira hatene didi'ak.

Aspetu importante liuhotu hosi reforma ida-ne'e maka implementa sistema ne'ebé efisiente no fasil atu administra. Se ita hein hela ba kresimentu, ita tenke fasilita

kresimentu ida ho proporsaun fazivel ba setór privadu no públiku. Simplifika prátika regulamentu, haloos no hamenus taxa sira nu'udar solusaun prátikal no dalan produtivu ida atu hahú harii filafali ekonomia Timor-Leste.

Pires ho susesu ona implementa tiha reforma radikal balu ba sistema finanseiru governu nian no elojiu tiha ho luan ba ninia prudente no jestaun ekonomia ne'ebé progresivu ba nasaun'

RAMATA.

Ba informasaun liután, favór halo kontaktu: Sra.Ines Almeida, telemovel: +670 723 0032.